

ESTRATÉJIA BA TEMPU KLARAN

Dokumentu ida-ne'e buka atu ofereze parámetru-referénsia (benchmarks) susesu nian no indikadór sira progresu nian hodi lida ho problema subjacente ne'ebé Timor-Leste hasoru no ne'ebé fó orijen ba UNMIT nia mandatu. Tanba ne'e parámetru-referénsia ne'e define iha ne'e hanesan meta ida ne'ebé, bainhira halibur nu'udar grupu, ita bele hein katak nia sei ofereze baze ka fundasaun ba estadu demokrátiku ida ne'ebé estavel no sustentavel iha Timor-Leste. Enkuantu rejista progresu bainhira nia hatán ka responde ba parámetru-referénsia hirak ne'e (ne'ebé sukat ho detalle boot liuhosi marku sira) Konsellu Seguransa, bazeia ba lia-menon sira husi Sekretáriu-Jerál, sei iha pozisaun ida di'ak liu atu bele tetu hodi haree mudansa ne'ebé loos mak presiza ba mandatu ne'e, iha pontu ne'ebé loos mak sei la presiza tan UNMIT ho ninia forma ida agora ne'e no apoiu sá loos mak sei presiza husi Nasoins Unidas iha períodu hafoin UNMIT.

Maski parámetru-referénsia hirak ne'e la iha UNMIT ninia ámbitu laran, sira-nia realizaun (no tanba ne'e hetan mós baze foun ida ne'ebé metin hodi tane estabilidade) sei sai relevante nafatin ba misaun ne'e. UNMIT iha knaar ida importante atu asegura ambiente ida ne'ebé loke dalan ba seguransa hodi nune'e bele hetan ka alkansa nasaun ne'e ninia objetivu tomak.

1. Asegura seguransa no estabilidade ohin no iha futuru

Objetivu:

Situasaun seguransa ida ne'ebé estavel, no instituisaun sira iha setór seguransa nian respeita no proteje Direitos Umanus no sai efikás, profisionál no reziliente natoon atu bele garante seguransa no estabilidade iha tempu badak nia laran no atu kontribui hodi hametin nafatin seguransa no estabilidade iha tempu naruk nia laran.

Parámetru-referénsia sira:

- 1.1. Halo revizaun ida ne'ebé integrál ba knaar no nesesidade setór seguransa ninian iha futuro.
- 1.2. Planu kordenadu kona-ba reforma ne'ebé instituisaun relevante sira mak dezenvolve no implementa atu hadi'a defisiénsia ne'ebé hetan iha prosesu revizaun nia laran.
- 1.3. Kapasidade adekua (kompeténsia téknika no administrativa, valór institusionál sira) iha instituisaun sira iha setór seguransa nia laran atu bele kumpre sira-nia responsabilidade, inklui obrigasaun sira direitos umanus ninian.
- 1.4. Sistema, prosesu no rekursus natoon (osan no materiál) iha instituisaun sira iha setór seguransa nia laran atu nune'e sira bele hala'o sira-nia knaar.
- 1.5. Definisau klaru kona-ba knaar ne'ebé instituisaun Estadu ida-idak iha setór ne'e iha (F-FDTL, PNTL, Seguransa Sivíl, Alfândega, servisu intelijénsia no imigrasaun).
- 1.6. Mekanizmu klaru no transparente atu asegura kontrolu husi ema sivíl sira.
- 1.7. PNTL, ne'ebé simu hikas ho susesu no sustentabilidade ninia responsabilidade kona-ba aplikasaun lei ninian no manutensaun ba seguransa públka, konstitui hikas fali.
- 1.8. Harii kultura no sistema ida kona-ba revizaun no dezenvolvimentu kontínuu iha instituisaun sira iha setór seguransa nia laran.

Marku sira

2009

- Manutensaun kontínuu ba seguransa no estabilidade (ida-ne'e representa marku kontínuu ba tinan hotu-hotu)
- 1.1.1. Peskiza ba públiku nia atitude kona-ba seguransa ramata ona.**
- 1.2.1. Lei kona-ba seguransa nasional promulga ona.**
- 1.2.2. Política seguransa nasional hetan ona aprovasaun husi Konsellu Ministrus.**
- 1.2.3. Planeamentu kona-ba Dezenvolvimentu Seguransa Nasionál.**
- 1.2.4. Formula rejime ida ne'ebé justu, efikás no respeitavel kona-ba karreira no reforma ba F-FDTL no PNTL**
- 1.3.1. F-FDTL nia profesionalizmu sai di'ak ona tanba nia husik tan ofisiál no soldadu sira atu ba simu treinamentu iha rai seluk no treinamentu pré-rekizitu ne'ebé iha ligasaun ho ne'e.**
- 1.4.1. Harii mekanizmu responsabilizasaun no dixiplinár ida ne'ebé efikás iha instituisaun polisia no militar nia laran.**
 - Mekanizmu hirak ne'ebé harii ona iha PNTL nia laran sai metin no hetan ona implementasaun;
 - Mekanizmu formál sira iha PNTL nia laran harii no sai ona operasionál.
- 1.4.2. Hametin kontrolu ba aprovizionamentu atu aseguira sistema jestaun lojística no manutensaun, ho Eskritóriu Inspesaun ninia envolvimentu.**
- 1.5.1. Lei orgánika sira ne'ebé define ofisiál seguransa sira-nia knaar no koerente ho sira ida-idak ninia doutrina no misaun ne'ebé dezenvolve tiha ona (no/ka promulga tiha ona) inklui dezenvolvimentu kona-ba “Doutrina ida ba Polisia”.**
- 1.5.2. F-FDTL ninia normalizasaun sa'e bainhira tropa sira fila hikas ba kuartél no atividade seguransa interna sai menus, hodi nune'e bele fó atensaun boot liu ba treinamentu profesionál no dezenvolvimentu.**
- 1.5.3. Hahú programa rekrutamentu no treinamentu F-FDTL nian hanesan mandatadu husi alterasaun sira ne'ebé halo iha 2008 ba Lei Servisu Militar.**
- 1.7.1. Membru PNTL hotu-hotu (100%) ne'ebé la iha kestaun pendente ruma hetan Sertifikasaun Finál.**
- 1.7.2. Kazu kona-ba membru PNTL sira ne'ebé rejista ona, ne'ebé rekomenda atu hasai husi instituisaun ne'e, hetan tratamentu didi'ak.**

1.7.3. Prepara daudaun devolusaun responsabilidade polisiamentu nian ba PNTL iha distritu/unidade hirak ne'ebé selesionadu.

2010

- Manutensaun kontínua ba seguransa no estabilidade.

1.3.2. Ema tenke komprende didi'ak PNTL nia doutrina foun no lei sira no aplika lei no doutrina ne'e iha treinamentu ne'ebé hala'o iha Akademia PNTL, no polisia sira tenke pratika lei no doutrina ne'e iha sira-nia servisu.

1.3.3. Mekanizmu koordenasaun entre instituisaun sira harii ona no sai ona operasionál, inklui jestaun ba dezastre.

1.3.4. Hatama direitus umanus iha PNTL no F-FDTL nia programa treinamentu regulár.

1.3.5. F-FDTL iha kapasidade efetiva kona-ba enjeñaria atu nune'e nia bele kontribui ativamente ba atividade jestaun dezastre no harii nasaun ninian, ho koordenasaun globál husi ema sivil sira.

1.3.6. PNTL no F-FDTL nia ofisiál no soldadu sira hetan nivel profesionalizmu ida ne'ebé loke dalan ba sira atu partisipa iha treinamentu hodi halo parte iha operasaun dame Nasoins Unidas ka rejiaun ninian.

1.4.3. Kuadru legál sira kona-ba PNTL no F-FDTL ninia mekanizmu responsabilizasaun no dixiplinár hetan ona reforma.

1.4.4. Harii mekanizmu efetivu ba jestaun fronteira nian.

1.4.5. Harii kontrolu administrativu reguladu ba atividade aprovizionamentu ninian hodi bele aseguara katak atividade hirak ne'e tama duni iha sekuénsia lójika dezvoltimentu ninian, ne'ebé koinside ho ofisiál no soldadu ida-idak ninia dezvoltimentu profisionál, no proporsionál ho nivel kapasidade forsa nian.

1.4.6. Dezvoltimentu kapasidade nasional iha instituisaun seguransa sira-nia laran.

1.5.4. Lei orgánika sira ne'ebé define ho klaru knaar no objetivu sira ofisiál seguransa sira ninian hetan ona implementasaun.

1.5.5. F-FDTL no PNTL iha kbiit atu halo operasaun independente ho asisténsia asesoria menus husi li'ur, iha nivel ida ne'ebé hatudu katak dezvoltimentu no profesionalizmu institusionál sa'e daudaun.

1.7.4. PNTL simu hikas responsabilidade polisiamentu tomak no kompleta faze rekonstituisaun nian.

2011

- Manutensaun kontínua ba seguransa no estabilidade.
- 1.3.7. Hala’o atividade regulár kona-ba jestaun dezastre nian.
- 1.3.8. PNTL no F-FDTL ninia mekanizmu responsabilizasaun no dixiplinár funsiona efetivamente.
- 1.3.9. F-FDTL no PNTL iha kbiit atu halo parte iha operasaun dame sira Nasoins Unidas nian ka rejionál.
- 1.3.10. Númeru alegasaun nian kona-ba violasaun direitus umanus ne’ebé foti hasoru PNTL no F-FDTL sai menus duni.
- 1.7.5. Hala’o kampaña regulár kona-ba seguransa tránzitu nian no kampaña sira seluk ne’ebé iha relasaun ho ne’e.

2012

- 1.3.11. Instituisaun nasional sira seguransa ninian iha kbiit atu hala’o sira-nia knaar laho apoiu husi forsa seguransa internasionál sira.

2. Estadu Direitu, Justisa no Direitus Umanus

Objetivu:

Setór justisa nia instituisaun sira no ninia kapasidade hetan dezenvolvimentu adekuaudu no sai metin, ne’ebé rezulta iha sistema judisiál no penál ida ne’ebé efikás, asesível no kredível. Respeitu ba estadu direitu no sistema-justisa nia independénsia; labele tolera ka taka-matan ba impunidade maibé lida ho kestaun ne’e didi’ak.

Hetan ona responsabilizasaun no justisa ba ofensa krime grave sira ne’ebé halo iha 1999 no husi Abril to’o Maiu 2006, inklui lia-menon sira husi Komisaun Espesiál Independente Inkéritu nian.

Parámetru-referénsia:

- 2.1. **Rezultadu husi Avaliasaun Independente kona-ba Nesesidade Globál Setór Justisa nian** (*Independent Comprehensive Needs Assessment of Justice Sector (ICNA)*) hetan ona implementasaun.
- 2.2. **Ramata investigasaun hotu-hotu ne’ebé atu halo kona-ba Krime Hasoru Umanidade no krime grave sira seluk ne’ebé komete dezde 1 Janeiro to’o 25 Outubru 1999.**

- 2.3. To'o 2012, sistema justisa penál lida ona ho kazu hotu-hotu ne'ebé iha relasaun ho krime ne'ebé komete durante krize Abril – Juñu 2006.
- 2.4. Harii kuadru legál ida ne'ebé labele haluha justisa tradisionál nia mekanizmu sira ne'ebé adere ba prinsípiu báziku administrasaun justisa nian no norma sira direitus umanus nian, ho atensaun liuliu ba kestaun hirak ne'ebé iha relasaun ho justisa jéneru ninian no justisa juvenil.
- 2.5. Pesoál profisionál prinsipál sira iha área justisa nian hetan abilidade téknika atu bele hala'o nafatin prosesu hametin instituisaun sira nian no hala'o sira-nia funsaun profisionál respetiva
- 2.6. Provedoria ba Direitus Umanus no Justisa (PDUJ) ne'e instituisaun nasional direitus umanus ida ne'ebé independente, transparente no efikás, no hala'o knaar importante kona-ba protesaun no promosaun ba Direitus Umanus.
- 2.7. Harii ona mekanizmu sira kona-ba responsabilizasaun efetivu atu hasa'e sistema-justisa nia integridade, inklui Konsellu Superiór sira.
- 2.8. Hatama direitus umanus iha kurríkulu husi nivel eskolaridade 7 to'o 9.
- 2.9. Prosesu judisiál Col hotu-hotu hetan ona akuzasaun, julgamentu no fó daudaun pena ba kondensasaun hirak ne'ebé deside tiha ona.
- 2.10. Númeru husi kazu sira iha prosesu akuzasaun ninian mantein iha nivel ida ne'ebé sustentavel.
- 2.11. Númeru husi kazu sivíl sira ne'ebé pendiente hetan redusaun nafatin.
- 2.12. Lei sira, inklui lei hirak ne'ebé aplika ona, sei tradús ba tetun.
- 2.13. Planu estratéjiku atu hametin sistema prizaun ninian implementa ona.

Marku sira:

2009

- 2.1.1. ICNA halo ramata ona, no implementasaun ba lia-menon sira hahú ona.
- 2.1.2. Adota ona MoJ no hahú ona atu implementa planu jerál estratéjiku ba setór justisa nian, no mós pesoál nasional mak kaer tomak atividade política no planeamentu.
- 2.1.3. Hahú formasaun ba advogadu privadu sira kona-ba estatutu advogadu privadu sira nian.
- 2.3.1. Hahú ona investigasaun ba maioria krime ne'ebé iha ligasaun ho krize Abril

– Juñu 2006.

- 2.4.1. **Kódigu Penál no Sivil, Lei Protesaun ba Sasin sira, Lei Hasoru Violénsia Doméstika no Lei Justisa Juvenil, implementasaun ba lei sira-ne'e la'odaudaun no halo tuir nafatin norma mínimu internasionál direitus umanus ninian no fó atensaun loloos ba feto no labarik sira-nia direitu.**
- 2.5.1. **Entrega funsaun operasionál sira ba atór nasional sira iha setór justisa nian iha, pelumenus, tribunál distritál rua ne'ebé iha atividade maka'as liu iha nasaun ne'e.**
- 2.5.2. **Hadi'ak Polisia/Prokuradoria hasa'e número total husi kazu hirak ne'ebé trata ho didi'ak iha Prokuradoria Jerál.**
- 2.6.1. **PDUJ iha ninia prezensa permanente iha rejiaun hotu-hotu, ho pesoál profisionál natoon, ne'ebé iha kapasidade atu halo monitorizasaun, investigasaun no relatóriu lahó asisténsia husi pesoál internasionál.**
- 2.8.1. **Fó formasaun ba mestre sira husi nivel eskolaridade 7 to'o 9 kona-ba konseitu, prinsipiu no norma sira direitus umanus ninian.**
- 2.8.2. **Integra edukasaun direitus umanus bainhira dezenvolve kurrikulu ba eskolaridade husi nivel 7 to'o 9.**
- 2.9.1. **Ramata investigasaun ba kazu Col hotu-hotu.**
- 2.10.1. **Banku-dadus balu sai operasionál ona no fó sai no implementa ona instrusaun atu define kazu sira tuir prioridade.**
- 2.11.1. **Aumentu 10% husi kazu sivil sira hetan daudaun prosesamentu.**
- 2.12.1. **Ramata tradusaun ba lejislasaun prinsipál sira, inklui Kódigu Kriminál no Kódigu Sivil.**
- 2.13.1. **Konsolidasaun ba Governu/UNDP/UNMIT nia planu estratéjiku sira no implementasaun hahú ona.**

2010

- 2.1.4. **Implementasaun ba lia-menon sira husi ICNA hala'o nafatin.**
- 2.1.5. **Kódigu Konduta ba pesoál hotu-hotu ne'ebé envolve iha setór justisa nian harii ona.**
- 2.1.6. **Lia-menon sira husi Komisaun CRC hetan ona implementasaun no setór justisa no Komisaun Nasionál ba Labarik harii ona.**

- 2.1.7. **Ministériu Justisa no organizasaun sira seluk iha sociedade sivíl halekar informasaun kona-ba programa sira kona-ba sidadaun sira-nia direitu no obrigasaun, hodi hasa'e koñesimentu jurídku, liuliu kona-ba justisa jéneru ninian no justisa juvenil.**
- 2.3.2. **Foti ona prosesu no akuzasaun ba maioria kazu sira kona-ba krime ne'ebé iha ligasaun ho krize Abril – Juñu 2006.**
- 2.4.2. **Primeiru protokolu opsional husi Paktu Internasionál kona-ba Direitu Sivíl no Polítiku (*International Covenant on Civil and Political Rights* (ICCPR)) no protokolu opsional husi Konvensaun Hasoru Tortura (*Convention Against Torture* (CAT)) hetan ona asinatura no ratifikasaun husi **Parlamentu Nasionál.****
- 2.4.3. **Lei sira kona-ba Adosaun, Patria Potestas no Titularidade adota ona no halo tuir nafatin norma mínimu internasionál sira direitus umanus ninian no fó atensaun loloos ba fetu no labarik sira-nia direitu.**
- 2.5.3. **Programa formasaun ba atór jurídku sira hetan ona implementasaun iha Sentru Formasaun Jurídika, inklui formasaun kona-ba kestaun sira ne'ebé iha relasaun ho justisa juvenil no justisa jéneru ninian.**
- 2.5.4. **Hadi'ak jestaun ba prosesu judisiál sira-nia funsionamentu regulár no aumentu progresivu iha número kazu kriminal sira ne'ebé mak foti ona prosesu, liuliu iha kazu sira kona-ba violénsia seksuál, violénsia doméstika no krime kontra vida no seguransa.**
- 2.7.1. **Programa reparasaun ba vítima sira direitus umanus ninian, husi 1974 to'o 1999, hetan ona estruturasaun no implementasaun.**
- 2.10.2. **Hetan progresu significativu husi redusaun 20% ba atrazu/akumulasaun tinan-tinan.**

2011

- 2.1.8. **Progresu kona-ba konsolidasaun iha instituisaun sira iha setór justisa nia laran hetan ona avaliasaun pozitivu independente no ICNA nia lia-menon sira hetan ona implementasaun.**
- 2.1.9. **Planu estratéjiku ida ne'ebé Governu nasional hatán atu hametin sistema prizaun ninian ramata ona no la'o tuir norma internasionál sira, inklui sira ne'ebé iha relasaun ho labarik no fetu sira.**
- 2.2.1. **Halo ramata investigasaun ne'ebé seidak halo ba Krime Hasoru Umanidade no krime grave sira seluk ne'ebé komete entre 1 Janeiro no 25 Abril 1999.**
- 2.4.4. **Tendénsia atu uza sistema justisa formál sa'e progresivamente, liuliu iha krime hirak ne'ebé envolve violénsia ne'ebé bazeia ba jéneru.**

- 2.5.5. Entrega knaar profesionál respetiva sira ba atór nasional sira iha setór justisa ninian iha distritu hotu-hotu iha nasaun ne'e.
- 2.5.6. Juis, prokurador no defensor públiku sira hetan ona graduaun husi kursu obrigatóriu ne'ebé Sentru Formasaun Jurídika hala'o.
- 2.6.2. PDUJ nia parseiru NGO sira ne'ebé simu ona formasaun no marka prezensa iha Timor-Leste nia distritu 13 hotu iha ona ligasaun formál ho PDUJ.
- 2.7.2. Konsellu Superiór Majistratura Judisiál nian no Konsellu Superiór Ministériu Públiku nian metin ona no funsiona efetivamente no halo prokurador no juis sira responsavel (*accountable*).
- 2.10.3. Hetan progresu signifikativu husi redusaun 20% ba atrazu/akumulasaun tinan-tinan.

2012

- 2.1.10. Lia-menon sira husi ICNA hetan ona implementasaun, inklui tau mós iha konsiderasaun avaliasaun independente kona-ba progresu.
- 2.2.2. Gabinete Prokurador Jerál foti ona prosesu ba kazu sira kona-ba Krime Hasoru Umanidade no krime sira seluk ne'ebé komete entre 1 Janeiru no 25 Outubru 1999, liu husi sistema justisa nian, molok halo tiha realizasaun progresiva ida husi 2009 to'o 2011.
- 2.5.7. Kazu krime grave barak mak hetan ona investigasaun, prosesamentu no julgamentu loloos, ne'ebé hatudu katak pesoál judisiáriu nasional iha kualifikasaun atu hala'o justisa ho imparcialidade.
- 2.7.3. Instituisaun ida atu halo akompañamentu ba CAVR no CTF harii ona hodi prezerva memória istória, fó edukasaun kona-ba direitus umanus no hatán ba vítima sira husi períodu 1974-1999 nia ezijénsia.
- 2.10.4. Hetan progresu signifikativu husi redusaun 20% ba atrazu/akumulasaun tinan-tinan.
- 2.11.2. Kazu sivil ne'ebé hetan ona prosesu sa'e 20%.

3. Kultura Governasaun Demokrátika no Diálogu

Objetivu:

Halekar koñesimentu, adota no adere ba valór no prinsípiu sira governasaun demokrátika sustentavel ninian, iha instituisaun Estadu no sociedade nia laran, ne'ebé mantein konsolidasaun ba kultura institusionál kona-ba governasaun demokrátika.

Parámetru-referénsia:

- 3.1. **Promove direitu no garantia konstitusionál sira ba sidadaun hotu-hotu; kontrolu no ekilibriu entre pilár soberania haat ninian sai efikás no hetan respeitu.**
- 3.2. **Hasa'e diálogu no konsulta entre lider/partidu polítiku sira, Estadu nia instituisaun sira, CSO no grupu komunitáriu sira hodi asegura koordenasaun, inkluzsaun, hamenus konflitu no hadi'a kapasidade komunikasaun nian no informasaun públika iha instituisaun Estadu sira-nia leet.**
- 3.3. **Kapasidade komunikasaun no informasaun públika iha instituisaun Estadu sira-nia leet sai di'ak ona.**
- 3.4. **Instituisaun Estadu tomak adere ba kódigu konduta no halo tuir nafatin norma étika sira.**
- 3.5. **Harii sistema no prosesu efetivu atu profisionál sira iha funsaun públika bele hato'o servisu.**
- 3.6. **Asegura katak devolusaun poder ba munisipalidade sira, liu husi assembleia munisipál no munisipál sira Governu nian, hodi hala'o demokrasia partisipatória no hato'o ka presta servisu efektivamente iha nivel lokál.**
- 3.7. **Rejime anti-korrupsaun harii no funsiona ona; transparénsia no responsabilizasaun nia nivel aumenta ona.**
- 3.8. **Eleisaun oioin hala'o ona ho susesu, laho violénsia;**
- 3.9. **Média no profisionál sira iha sociedade sivil hala'o sira-nia knaar hodi monitora organizasaun Estadu sira no hato'o informasaun loloos no ekilibradu.**
- 3.10. **Asesu públiku ba média independente sai di'ak ho kuadru legál ida ne'ebé define no proteje média no sociedade sivil nia knaar.**

Marku sira:

2009

- 3.1.1. CoM aprova lei ba Tribunal Militar (MC, *Military Court*) no ba Tribunal Administrativu, Impostu no Auditoria (HATAC, *High Administrative, Tax and Audit Court*).**
- 3.1.2. Halo avaliasaun ba estabelesimentu rejiun autónoma espeisial ninian, hanesan Konstituisaun hateten.**
- 3.2.1. Mekanizmu kona-ba kolaborasaun formál no informál entre órgaun sira Estadu ninian atu mantein reuniaun regulár no oferese koordenasan no konsulta inkluziva.**
- 3.2.2. Hala’o nafatin inisiativa kona-ba diálogu nasionál inkluzivu, ne’ebé instituisaun Estadu sira no/ka sosiedade sivíl mak organiza, liuliu ho grupu feto sira, ne’ebé grupu hirak ne’e hatán-simu atu foti medida práttiku hodi halo akompañamentu.**
- 3.3.1. Funsionáriu ‘full time’ husi informasaun públika iha instituisaun sira Estadu ninian, inklui PNTL, tenke tuir formasaun iha Gabinete Informasaun Governu ninian, tenke tau osan/orsamentu/asesu ba ekipamentu sira hodi halo kampaña no mós atu informa ba populasan kona-ba asuntu oioin inklui kestaun seguransa nian.**
- 3.4.1. Lider sira iha instituisaun sira Estadu nian, ne’ebé foin hetan nomeasaun, sei tuir programa introdusaun kona-ba módulu sira kódigu konduta ninian.**
- 3.5.1. Komisaun Funsan Públika (*Civil Service Commission* (CSC)) harii ona, Estatutu Funsan Públika hetan ona revizaun no Rejime Karreira hetan ona implementasaun.**
- 3.7.1. Ajénsia Anti-Korrupsaun harii ona; 60% pesoál hetan rekrutamentu ka destakamentu ona, ne’ebé pelumenu 30% feto; pesoál to’o 50% simu ona formasaun.**
- 3.7.2. Kódigu Penál no lejjlasaun sira seluk hetan ona promulgasaun tuir Konvensaun Nasoins Unidas Hasoru Korrupsaun (*United Nations Convention Against Corruption* (UNCAC)); Estratéjia Nasionál kona-ba Kombate Korrupsaun prepara ona.**
- 3.8.1. Lei eleisaun munisipál hetan ona aprovasaun no halo ona revizaun ba lei kona-ba eleisaun suku. CNE no STAE nia lei orgánika no sira-nia planu estratéjiku kona-ba dezvoltamentu hetan ona aprovasaun, no rekruta no fó ona formasaun ba pesoál to’o 60% (pelumenu husi númeru ne’e 40% feto).**
- 3.8.2. CNE no STAE implementa edukasaun sívika/edukasaun ba eleitór sira no hala’o eleisaun livre, justa no transparente laho rekursu adisionál husi UNMIT/UNDP, no populasan simu rezultadu eleisaun laho violénsia.**
- 3.9.1. Lei kona-ba Imprensa/Média hetan ona aprovasaun. Dekretu-Lei ida hodi regula radiodifusaun hetan ona aprovasaun. Halo ona revizaun ba Lei RTTL nian no ba lei kona-ba NGO no asosiasaun sira.**

3.10.1. Hametin entidade reguladora ne'ebé responsavel kona-ba média eletrónica (ezemplu, alokasaun frekuénsia).

2010

3.1.3. MC harii ona.

3.1.4. HATAC harii no sai ona operasionál.

3.3.2. Instituisaun sira Estadu nian iha kapasidade téknika no finanseira atu prodús sira-nia materiál rasik kona-ba relasaun ho média/konferénsia imprensa regulár no mós sira-nia kampaña informasaun rasik (radio, video, print, web).

3.5.2. CSC sai ona operasionál, lejislasaun subordinada ba Estatutu Funsau Públika harii ona, no sistema monitorizasaun no avaliasaun individuál no institusionál dezenvolve ona.

3.6.1. Pelumenus munisípiu tolu harii no sai ona operasionál, no buka atu katak husi representante na'in-tolu ida feto.

3.7.3. Ajénsia Anti-Korrupsaun sai ona operasionál; implementa ona medida kona-ba transparénsia no responsabilizasaun; aprova ona Estratéjia Nasionál kona-ba Kombate Korrupsaun.

3.8.3. Rekruta no fó ona formasaun ba pesoál besik 100% (ne'ebé 40% feto) ba STAE no CNE.

3.8.4. STAE no CNE hala'o eleisaun munisipál ne'ebé livre, justu no transparente no populasau simu rezultadu eleisaun hotu-hotu laho violénsia.

3.9.2. Lei kona-ba Média no Radiodifuzau ba jornalista sira no Lei kona-ba Reporter Frelance sira hetan ona aprovasaun.

3.10.2. Pelumenus populasau 60% iha asesu ba informasaun husi média independente.

2011

3.5.3. Sistema Monitorizasaun no Avaliasaun aplika ba funsionáriu públiku, ministériu no konselleiru internasionál hotu-hotu.

3.6.2. Distritu 13 sai ona munisípiu no iha polítika ida klaru kona-ba jéneru.

3.8.5. Kódigu Eleitorál, ne'ebé integra lei eleitorál hotu-hotu, hetan ona aprovasaun.

2012

3.1.5. Banku Sentrál (*Central Bank (CB)*) harii no sai ona operasionál.

3.1.6. Instituisaun judisiál sira, área ekonómika espeisial sira no órgaun sira governu lokál ninian, ne'ebé temi iha Konstituisaun, harii ona ka halo ona planu ida klaru kona-ba ne'e.

3.1.7. Zona autónoma espeisial sira harii hotu ona.

3.9.3. Entidade reguladora ida ba média hotu-hotu iha Timor-Leste laran harii ona.

3.10.3. Pelumenus populasau 80% hetan asesu ba informasaun husi média independente.

4. Dezenvolvimentu Ekonómiku

Objetivu:

Ekonomia ida ne'ebé saudavel, inkluzivu no sustentavel no pratika solidariedade sosial ne'ebé fó oportunidade natoon ba timoroan sira atu bele tane no dezenvolve sira-nia an rasik hodi hetan moris ida produtivu.

Parámetru-referénsia:

- 4.1. **Kualidade moris nian sai di'ak, bainhira malnutrisaun no moras sai menus, bee no saneamentu, bem-estar sosial no protesaun sosial.**
- 4.2. **Nivel moris no oportunidade empregu nian sa'e, ho atensaun liuliu ba zona rural no grupu vulneravel sira, inklui juventude.**
- 4.3. **Dezlokadu sira fila ba fatin, integra no harii hikas sira-nia moris tuir dalan ida ne'ebé sustentavel; estrutura ba jestaun efikas dezastre ninian hetan ona dezenvolvimentu atu prepara hodi hamenus krize sira iha loran aban.**
- 4.4. **Timor-Leste dezenvolve politika kona-ba redusaun efetiva nivel kiak ninian no dezenvolvimentu ekonómiku, fó atensaun liuliu ba kriasaun empregu, investimentu publiku no ezekusaun jerál orsamentu Estadu nian.**
- 4.5. **Atrai Investimentu estranjeiru ne'ebé sa'e tinan ba tinan hodi loke dalan ba setór privadu nasional ninia dezenvolvimentu.**
- 4.6. **Asegura protesaun ba meu-ambiente, liu husi reflorestamentu, apoiu ba biodiversidade no adota akordu internasionál sira kona-ba meu-ambiente.**

Marku sira:

2009

- 4.1.1. Akordu entre parte interesadu nasionál sira kona-ba diálogu, rekuperasaun nasionál no estabilizasaun iha nivel komidade nian.**
- 4.1.2. Pelumenus 80% husi provedór sira saúde ninian simu formasaun kona-ba planeamentu familiár, akonsellamentu no koñesimentu prátiiku.**
- 4.1.3. Persentajen husi labarik-feto sira ne'ebé repete klase iha eskola primária no sekundária sai menus liu tinan liu ba ne'e.**
- 4.1.4. Programa asisténsia testadu “Bolsa Mãe” (Bolsa Inan Nian) ba to'o benefisiáriu liu ema rihun sanulu (10.000), husi pagamentu ho osan, transferénsia osan halo ba pensionista liu ema rihun ualunulu, husi MSS.**
- 4.1.5. Implementa programa kona-ba subsidiu alimentár ida ne'ebé funciona di'ak, ba fatin ne'ebé de'it mak iha nesidade temporária, hodi aseguira katak iha ai-han natoon no asesivel ba umakain sira.**
- 4.1.6. Mekanizmu kona-ba monitorizasaun ba seguransa ai-han ninian atu prevee insidénsia no grau seguransa ai-han ninian sai operasionál, no determina medida espesífika atu prevene problema hirak ne'e.**
- 4.1.7. Mekanizmu hodi hato'o ajuda emerjénsia nian la'o di'ak liu.**
- 4.1.8. Unidade Lojística iha Ministériu Solidariedade harii ona no halo ona avaliasaun ba nesidade lojística iha nasaun ne'e.**
- 4.1.9. Programa alimentasaun eskolár sai boot liu no GoTL nia knaar sai maka'as liu iha programa ne'e. Alimentasaun suplementár ba feto isin-rua, inan hakiak no labarik tinan rua ba kraik sai boot liu no GoTL nia knaar sai makaas liu iha programa ne'e. Programa alimentasaun eskolár no programa alimentasaun eskolár suplementár hetok sai Governu TL nian rasik, liuhosi aumentu ba ai-han husi Governu nia rekursus rasik.**
- 4.2.1. SEFOPE adota no publika ona Planu Asaun Nasionál ida kona-ba Empregu ba Juventude.**
- 4.2.2. Parlamentu Nasionál Juventude harii no sai ona operasionál iha 2009, ho baze iha prosesu eleisaun/nomeasaun ida ne'ebé inkluzivu no transparente no hetan partisipasaun husi labarik feto no mane sira husi rejaun hotu-hotu.**

- 4.2.3. Sekretaria Estadu nian ba Juventude no Desportu harii ona Fundu Nasionál Juventude nian hodi patrosina (*sponsoring*) grupu juventude rural sira-nia atividade.**
- 4.2.4. Distritu Oekusi simu ona apoiu kona-ba agrikultura, programa halo bokur karau, formasaun kona-ba Teknolojia kona-ba Rai Agríkola ne'ebé Nakli'is (*Sloping Agriculture Land Technology*), sistema irrigasaun no apoiu ba infraestrutur rurál (liu husi Fundu Dezenvolvimentu Komunitáriu) hodi hadi'a liu tan ema nia moris no kria servisu ka empregu.**
- 4.2.5. Distritu sira iha parte lorosa'e hetan ona ligasaun husi ponte lima foun atu liga produtór no komersiante sira ho merkadu hodi fa'an sira-nia produktu agríkola, no prestasaun servisu sai di'ak ona.**
- 4.2.6. Pelumenus 50% husi partisipante sira ne'ebé tuir formasaun profisionál, ne'ebé organizaun akreditada sira mak hala'o, mesak ema foin-sa'e de'it ne'ebé hetan servisu desente no/ka sai auto-empregadu.**
- 4.2.7. Pelumenus ema rihun atus lima (1,500) iha área rural mak hetan ona asesu ba programa sira servisu nian no formasaun loloos. Husi número ne'e, pelumenus 50% ema foin-sa'e.**
- 4.2.8. Harii ona rede seguransa, liuhosi *Mão de Obra Intensiva das Obras Públicas*, ba ema kiak sira ne'ebé hetan mukit iha área rural.**
- 4.2.9. Pelumenus 50% husi kiak sira iha área rural, ne'ebé hetan rendimentu ba tempu badak nia laran husi sira-nia partisipasaun iha servisu intensivu sira, mesak ema foin-sa'e. Pelumenus ema rihun ruanulu (20,000) iha área rural hetan asesu ba oportunidade sira kona-ba servisu ka empregu iha tempu badak nia laran.**
- 4.3.1. Alkansa ona Estratéjia Rekuperasaun Nasionál adisionál nia objetivu sira.**
- 4.3.2. Família IDP hamutuk rihun lima (5,000) simu pakote rekuperasaun.**
- 4.4.1. Institutu Nasionál Dezenvolvimentu ba Forsa Traballu harii no sai ona operasionál atu dezenvolve Sistema Formasaun ida ne'ebé Bazeia ba Kompeténsia.**
- 4.4.2. Governu Timor-Leste dezenvolve, aprova no publika ona Estratéjia Nasionál ida kona-ba Empregu.**
- 4.4.3. Programa Nasionál kona-ba Prioridade (*National Priority Programmes* (NPP)) ninia objetivu sira la'o di'ak no hetan ona monitorizasaun, ho objetivu atu tranzita ba Enkuadramentu Nasionál ida kona-ba Dezenvolvimentu.**
- 4.4.4. Enkuadramentu Nasionál kona-ba Dezenvolvimentu hahú ona atu serve nu'udar orientasaun globál ba parseiru dezenvolvimentu sira no Governu.**
- 4.4.5. Neineik-neineik, ezekusaun orsamentu nian sa'e liu tinan sira liu ba, liuliu kona-ba despeza kapitál.**

4.4.6. Ramata ho susesu NPP nia tranzisaun ba planeamentu globál ida/mekanizmu atu define prioridade.

4.5.1. Akordu entre parte interesadu nasionál sira kona-ba lei investimentu estranjeiru.

4.5.2. Halo identifikasaun ba Zona Ekonómika Espesiál.

4.5.3. Hetan ona akordu ho parte interesadu nasionál sira kona-ba lei rai no propriedade.

4.5.4. Rejistu komersiál no investimentu hetan ona fasilitasaun husi revizaun ba Kódigu Rejistu Komersiál no Lei kona-ba Sociedade Komersiál.

2010

4.1.10. Persentajen husi populasau ne'ebé ativu seksualmente sei iha koñesimentu kona-ba planeamentu familiar aumenta ona.

4.1.11. Taxa vasinasaun hasoru sarampu to'o pelumenus 65% iha distritu hotu-hotu; ema menus mak hetan moras husi susuk, kompara ho tinan sira liu ba; populasau nia koñesimentu kona-ba tranzmisaun HIV/AIDS sa'e; 80% tuur-ahi hetan asisténsia husi profisionál saúde ne'ebé kualifikadu.

4.1.12. Lei kona-ba Edukasaun Baze ninia implementasaun iha nivel nasionál.

4.1.13. Hahú ona sistema nasionál vijilánsia kona-ba nutrisaun.

4.1.14. Mekanizmu oioin ne'ebé harii iha 2009 kona-ba seguransa ai-han ninian sai di'ak liu tan.

4.1.15. Unidade Lojístika iha MSS ninia funsionamentu sai di'ak liu.

4.1.16. Apropriasaun (*ownership*) GoTL nian kona-ba programa alimentasaun eskolár no programa alimentasaun eskolár suplementár sai metin liu tan bainhira hasa'e ka aumenta alokasaun alimentár husi Governu nia rekursus rasik.

4.2.10. Mekanizmu seguransa sosiál, inklui transferénsia osan, hetan ona melloramentu no armonizasaun.

4.2.11. Uma sosiál foun, liuliu iha Dili, harii ona.

4.2.12. Pelumenus 60% husi partisipante sira ne'ebé tuir programa formasaun profisionál ne'ebé organizasaun akreditada sira hala'o, ne'ebé aseguira ona servisu desente no/ka sai auto-empregadu, mesak ema foin-sa'e.

4.2.13. Pelumenus 50% husi ema kiak sira iha área rurál, ne'ebé hetan oportunidade atu simu rendimentu iha tempu badak nia laran, mesak ema foin-sa'e.

- 4.2.14. Pelumenus ema rihun ruanulu (20,000) iha área rurál hetan asesu ba oportunidade husi servisu sira tempu badak ninian.
- 4.2.15. Pelumenus ema rihun ida atus lima (1,500) iha área rurál hetan ona ligasaun ba programa servisu nian no formasaun loloos.
- 4.3.3. Avaliasaun ba preparasaun iha nivel nasionál atu hatán ba emerjénsia hala’o ona.
- 4.3.4. Progresu iha implementasaun diálogu nian, ne’ebé representa estratéjia rekupersaun nasionál ninia baze fundamental.
- 4.4.7. Estratéjia Nasionál Servisu nia implementasaun la’o di’ak.
- 4.5.5. Zona Emprezariál Espesiál lima harii ona; iniciativa hirak ne’ebé loke dalan (*enabling initiatives*) foti ona atu fó apoiu ba lia-menon ne’ebé mai husi Banku Mundiál nia programa naran “*Ease of Doing Business Survey*”.
- 4.5.6. Lei kona-ba rai no propriedade hetan ona aprovasaun husi Parlamentu.

2011

- 4.1.17. Pelumenus 40% husi populasan ne’ebé ativu seksualmente hatudu ona koñesimentu loloos kona-ba planeamentu familiár.
- 4.1.18. Pelumenus 30% husi mane sira ne’ebé seksualmente ativu sei hatudu koñesimentu loloos kona-ba planeamentu familiár no hatene uza métodu kontraseptivu mane nian.
- 4.1.19. Inskrisaun iha eskola primária sa’e 10% liu tinan kotuk.
- 4.3.5. Sentru Operasaun ba Dezastre sai ona operasionál no Sentru sira kona-ba Jestaun ba Dezastre iha Distritu neen (6) sai metin ona.
- 4.5.7. Ambiente atu dada investimentu privadu harii ona.

2012

- 4.2.16. 70% husi umakain kiak sira iha ona kbiit atu hetan asesu no uza rekursu finanseiru ne’ebé mai husi MFI.
- 4.3.6. Sistema nasionál no distritál kona-ba jestaun ba dezastre hetan ona koordenasaun di’ak no rekursus.
- 4.6.8. Hetan ona númeru aas husi investimentu setór privadu.

2013

4.1.20. Programa saúde iha eskola sira sa'e daudaun.

4.1.21. Operasaun facilidade kona-ba bee no saneamentu iha eskola sira.

4.1.22. Persentajen husi feto foin sa'e sira ne'ebé tuir nafatin estudu iha eskola primária no sekundária aas liu tinan sira liu ba.

4.1.23. Rejistu moris nian sai universál ba labarik hotu-hotu ne'ebé iha tinan lima ba kraik no taxa prevalénsia kontraseptivu nian sa'e liu tinan sira liu ba.

4.4.8. Ema sira ne'ebé halo desizaun polítika ninia kapasidade sa'e atu bele iha kbiit hodi halo rekomendasaun ba planu no programa sira no dezenvolve polítika pro-ema kiak sira hodi hato'o ba Governu.

4.4.9. Ema ne'ebé moris ho dólar rua (US\$2) loron ida sai menus liu tinan sira liu ba.

4.4.10. Neineik-neineik, ezekusaun orsamentu nian iha despeza kapitál sai boot liu tinan sira liu ba.

4.5.9. Investimentu Diretu husi Estranjeiru sa'e liu tinan sira liu ba.

4.6.1. Organizaun komunitária sira-nia kapasidade hetan ona desenvolvimentu atu integra no maneja rekursu naturál sira hodi hetan redusaun sustentavel ba kiak.

4.6.2. Mekanizmu atu inklui meiu-ambiente iha planeamentu hotu-hotu harii ona.